

06/08/1997

Malaysia, Iran tubuh kompleks edar kargo

PELABUHAN KLANG, Selasa - Malaysia mengadakan perjanjian usaha sama dengan Republik Iran untuk menubuhkan kompleks kargo pengedaran di Iran bagi meluaskan hubungan dagang antara kedua negara dan antara Asean dengan Negara Bekas Jajahan Soviet (CIS).

Memorandum usahasama itu ditandatangani Penolong Pengurus Hal Ehwal Korporat Lembaga Pelabuhan Klang, V Balakrishnan dan Pengarah Hal Ehwal Pelabuhan Iran, Mohamad Hamid Marzoughi yang mewakili Lembaga Pelabuhan Shahid Rajaei, Iran.

Perjanjian itu adalah inisiatif Perdana Menteri, Datuk Seri Dr Mahathir Mohamad dan lawatan terbaru Menteri Pengangkutan, Datuk Seri Dr Ling Liong Sik ke Republik Iran untuk mengenal pasti bidang yang berpotensi menjalin kerjasama pembangunan perdagangan antara kedua-dua negara.

(END)